

**U G O V O R**  
o pružanju usluga servisiranja i održavanja klima uređaja

Zaključen između:

**BOSNA I HERCEGOVINA - USTAVNI SUD BOSNE I HERCEGOVINE**, Sarajevo, Reisa Džemaludina Čauševića 6/III, kojeg zastupa generalni sekretar Ustavnog suda Bosne i Hercegovine, Zdravko Đuričić (u daljem tekstu: **Naručilac**),

i

**„E+E-E-ENERGY“ d.o.o Sarajevo**, Hamida Svrze 8, Sarajevo, koga zastupa direktor, Anes Hadžijusufović (u daljem tekstu: **Izvršilac**).

**Član 1.**

Predmet ovog ugovora je pružanje usluga čišćenja, redovnog servisiranja i održavanja klima uređaja za potrebe Naručioca, u skladu sa Ponudom Izvršioca broj 88/2015 od 14. maja 2015. godine, koja je sastavni dio ovog ugovora.

**Član 2.**

Jedinične cijene za izvršenje usluga iz člana 1. ovog ugovora, sadržane su u Ponudi Izvršioca broj 88/2015 od 14. maja 2015. godine.

**Član 3.**

Izvršilac se obavezuje da će kvalitetno i profesionalno pružiti usluge iz člana 1. ovog ugovora.

U slučaju identifikacije kvara i utvrđenog rezervnog dijela koji treba zamijeniti, Izvođač je dužan dostaviti cijenu rezervnog dijela (predračun) u roku od 12 sati. Naručilac zadržava pravo provjere cijene rezervnog dijela na tržištu (putem ispitivanja tržišta, interneta, ...) i prigovora na istu. U slučaju da Naručilac sam nabavi rezervni dio, Izvršilac je dužan ugraditi ga u skladu sa uslovima navedenim u ponudi Izvršioca. Cijena radnog sata 1/h se obračunava pri popravci uređaja i navedena je u Ponudi Izvršioca.

**Član 4.**

Naručilac se obavezuje da Izvršiocu omogući nesmetan pristup prostorijama sa klima uređajima kao i prostoru gdje su smještene vanjske jedinice klima uređaja, te da ga uvede u posao.

**Član 5.**

Garancija za usluge izvršene po ovom ugovoru je 90 dana po obavljenom poslu.

Rok za odziv na poziv po ugovoru je do 4 sata od prijema poziva.

Rokovi iz st. 1. i 2. ovog člana mogu se prolongirati isključivo u slučaju nastanka okolnosti na koje Izvršilac objektivno nije mogao uticati.

**Član 6.**

Za izvršene usluge u okviru ovog ugovora Izvršilac će ispostavljati odgovarajući račun za svaki izvršeni posao, ili zbirni račun za više izvršenih poslova, a nakon što je ovjeren od strane ovlaštenih lica naručioca da je usluga obavljena.

U slučaju čišćenja klima uređaja Izvršilac je dužan dostaviti atest o dezinfekcionom sredstvu i obavljenom poslu i ispostaviti odgovarajući račun.

Sve poreske obaveze moraju biti uključene i posebno iskazane u sklopu ispostavljenog računa.

#### Član 7.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 7 dana po izvršenju usluga bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Izvođač je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

#### Član 8.

Izvođač garantuje da će sve radove i usluge utvrđene ovim ugovorom obavljati stručno, savjesno i kvalitetno.

#### Član 9.

Ugovor se zaključuje na period od godinu dana.

Ugovorne strane mogu ugovor jednostrano raskinuti uz otkazni rok od mjesec dana.

#### Član 10.

Ugovorne strane su saglasne da će se eventualne izmjene i dopune ovog ugovora regulisati aneksima ugovora.

#### Član 11.

Ugovorne strane su saglasne da će eventualne sporove koji nastanu iz ovog ugovora rješavati sporazumno, a ukoliko se saglasnost ne postigne nadležan je Sud Bosne i Hercegovine u Sarajevu.

#### Član 12.

Ovaj ugovor stupa na snagu danom potpisivanja od obje ugovorne strane.

Ugovor je sačinjen u četiri (4) istovjetna primjeraka, od kojih svaka ugovorna strana zadržava po dva (2) primjerka

ZA IZVRŠIOCA  
Direktor  
Anes Hadžijusufović



Broj: 20-05/15

Sarajevo, 20. 05. 2015

ZA NARUČIOCA  
Zdravko Đuričić



Broj: 19/208/15

Sarajevo, 18. 06. 2015.